



婦人遇古辛經
四天王經
迦葉度貧母經

三百四
竟六

49792



三經同卷六

婦人遇辜經

四天王經

迦葉度貧母經

佛說婦人遇辜經

乞伏秦釋、堅譯



竟

聞如是一時佛在舍衛祇樹給孤獨精舍與
大比丘眾千二百五十人俱時有一人無婦
往詣舍衛國娶婦本國自有兩子大子七歲
次子孩抱母復懷軀欲向在產天竺禮俗婦
人臨月歸父母國時夫婦乘車載二子當詣
舍衛中路食息并牧牛時有毒蛇纏繞牛脚



牛遂離豮其夫取牛欲得嚴發見牛為毒蛇
所殺蛇復捨牛復纏夫殺婦遙見之怖懼戰
慄啼哭呼天無救護者日遂欲冥去道不遠
有流河水水對有家居婦迫日冥懼為賊所
劫棄車將二子到水畔留大子著水邊抱小
子度水適到水半狼食其子子叫呼母母時
還顧見子為狼所噉驚惶怖懼失抱中子墮
水隨流母益懊惱迷惑失志頓躓水中墮所
懷子遂便度水問道行人我家父母為安隱
不行人荅曰家昨失火皆燒父母悉盡無餘
又問行人我夫家姑妯為安隱不行人荅曰
昨有劇賊傷害其家姑妯皆死無完在者其

婦聞之愁憂怖懼心迷意惑不識東西脫衣
裸形迷惑狂走道中行人見大恠之謂得邪
病鬼神所嬈乎或謂愁憂迷惑失志或有唾
前捨避之走或有憐傷愍念哀之時佛在舍
衛祇樹給孤獨精舍時婦馳走而往趣之過
祇樹園尔時世尊大會說法四輩弟子諸天
龍神十方一切皆悉聽經諸佛之法音者見
佛皆得眼目聾者得聽瘖者能言疾病除愈
疴劣強健被毒不行心亂得定時婦見佛意
即得定不復愁憂自視裸形慙愧伏地佛呼
阿難取衣與婦即時受教則取衣與婦著衣
竟瞽首佛足却坐一面佛即說經爲現罪福

人命無常合會有別生者有死不生不終一切本空自作起滅展轉五道譬如車輪已解本無不復起分婦聞佛言心開意解即發無上正真道意即時得立不退轉地愁憂除愈如日無雲佛說如是四輩歡喜諸天龍神誓首而退

佛說婦人遇辜經

佛說四天王經

宋涼州釋智嚴共寶雲譯

聞如是一時佛在舍衛國祇樹給孤獨園佛



告諸弟子慎汝心念無受六欲慼情去垢無
求爲首內以清淨外當盡孝以四等心奉養
所生晨入尊廟稽首悔過朝稟暮誦思經妙
義以佛重戒治心穢病齋肅靖處數息禪定
及流盡源以求道真壽命猶電恍忽即減齋
日責心慎身守口諸天齋日伺人善惡須弥
山上即第二天天帝名因福德巍巍典主四
天四天神王即因四鎮王也各理一方常以
月八日遣使者下案行天下伺察帝王臣民
龍鬼蚘飛蚊行蠕動之類心念口言身行善
惡十四日遣太子下十五日四王自下二十
三日使者復下二十九日太子復下三十日

四王復自下四王下者日月五星二十八宿
其中諸天僉然俱下四王命曰勤伺衆生施
行吉凶若於斯日有歸佛歸法歸比丘僧淨
心守齋布施貧乏持戒忍辱精進禪定翫經
散說開化盲冥孝順二親奉事三尊誓首受
法行四等心慈育衆生者具分別之以啓帝
釋若多修德精進不怠釋及輔臣三十二人
僉然俱喜釋勅伺命增壽益筭遣諸善神營
護其身隨戒多少若持一戒令五神護之五
戒具者令二十五神營衛門戶凶疫衆邪陰
謀消滅夜無惡寢縣官盜賊水火災變終而
不害攘禍滅怪唯斯四等五戒六齋耳猶如

大水而滅小火豈有不滅者乎臨其壽終迎
其寃神上生天上七寶宮殿無願不得若有
不濟衆生之命穢濁盜竊姪犯他妻兩舌惡罵
妄言綺語厭禱呪咀嫉妬恚癡逆道不孝違
佛遠法謗比丘僧善惡反論有斯行者四王
以聞帝釋及諸天僉然不悅善神不復營護
之即令日月無光星宿失度風雨違時以現
世人欲其改往修來洗心齋肅首過三尊四
等養親忠于帝王慈心諫諍至誠無欺反前
修來捐穢濁之操就清淨之道若有改邪行
就正真者帝釋四王靡不歡喜日月即清明
星宿有常風雨順時毒氣消歇天降甘露地

出澤泉水穀滋味食之少病華色弈弈壽命
益長生不更牢獄死得上天天上福德所願
自然飛行存亡項有日光食自消化無有便
利之患身中香潔口氣苾芬今日月星宿即
諸天宮宅也七寶殿堂懸處虛空在意所之
壽終下生侯王之家顏華煒煒見者心歡逢
佛值法賢聖相連力行不與罪會必得涖洎
斯皆五戒十善斂情攝欲六齋使然拘留秦
佛時人壽六萬歲民性無為護彼猶養已平
等無二彼佛去世正教衰薄民無正行以漸
為惡其壽日減至于百歲吾善逝後民違佛
教無復孝子伺命減筭壽日有減天神不祐

凶疫惡鬼日來侵害灾怪首尾願與意違非
禍縱橫生羅王法之囹圄死入地獄餓鬼畜
生若出爲人必爲下賤善惡迢身猶若五穀
隨其所種獲其果實亦如夜書火滅字存身
死名滅殃福不朽慎護汝心攝身守口五戒
十善可從得道吾今得佛積行所致諸弟子
聞經歡喜作禮而去

佛說四天王經

佛說摩訶迦葉度貧母經

宋三藏法師求那跋陀羅譯

聞如是。一時佛在舍衛國度於君民。與除饑



衆菩薩大士天龍鬼神世間人民無央數衆
會聽經是時摩訶迦葉獨行教化到王舍城
常行大哀福於衆生捨諸豪富而從貧乞摩
訶迦葉時欲分衛若其未行先三昧正受何
所貧人吾當福之即入王舍大城之中見一
孤母最甚貧困在於街巷大真聚中傍鑿糞
聚以爲巖窟羸劣疾病常卧其中孤單零丁
無有衣食便於巖窟施小籬以障五形迦葉
三昧知此人宿不植福是以今貧知母壽命
終日在近若吾不度永失福堂母時饑困長
者青衣而棄米汁臭惡難言母從乞之即以
破瓦盛著左右摩訶迦葉到其所呪願言且

多少施我可得大福尔時老母即說偈言

舉身得病疾 孤窮安可言 一國之最貧

衣食不盖形 世有不慈人 尚見矜愍

云何名慈哀 而不知此厄 普世之寒苦

無過我之身 願見哀矜恕 實不為仁惜

摩訶迦葉即荅偈言

佛為三界尊 吾備在其中 發除汝飢貧

是故從貧乞 若能減身口 分銖以為施

長夜得解脫 後生得豪富

尔時老母重說偈言

實如仁所言 生世無功祚 今在糞窟中

不淨塗其身 飲食無分米 裸形而不覆

如今之極貧 施意與願違

摩訶迦葉重說偈言

母說處不悅 饑窮無以施

若其有施意

此則不為貧 若復知慙羞

此則著法衣

如母此二事 衣食為備足

世有專愚人

俗衣寶穀多 無慙不念施

計後此大貧

惶荒設福德 可謂為希有

信哉罪福眾

至誠不虛說

尔時老母聞偈歡喜心念前日有臭米汁欲以施之則不可飲遙啓迦葉哀我受不摩訶迦葉荅言大善母即在窟匍匐取之形體裸露不得持出側身偻體籬上授與迦葉受之

尊口呪願使蒙福安迦葉心念若吾賣去著
餘處飲之者母則不信謂吾棄之即於母前
飲訖盪鉢還著布囊中於是老母特復真信
迦葉自念當現神足令此母人必獲大安即
沒入地更在虛空身出水火半身以上現其
水出半身以下復現火出又復變化改易飛
騰虛空從其東出沒於西方南北亦爾時母
人見此踊躍一心長跏遙視迦葉迦葉告曰
母今意中所願何等世間豪富轉輪聖王及
四天王釋梵諸天若復欲得須陁洹斯陁含
阿那含阿羅漢辟支佛若復欲得阿耨多羅
三藐三菩提阿惟三佛者悉可得果其願亦

時母人馱於世苦聞天堂上審為快樂即啓
迦葉願以微福得生天上於是迦葉忽然不
現老母數日壽終即生第二忉利天上威德
巍巍震動天地光明挺特譬如七日一時俱
出照耀天宮釋提桓因即自驚悸何所人者
福德感動將無此間有勝吾者即以天眼觀

此天女福德使然釋提桓因即偈問曰

此女從何來

大光明照耀

譬如七大日

一時俱出現

震動吾宮殿

威德難可當

本修何福德

得來昇此天

是時天女答帝釋偈言

本在閻浮提

糞窟不淨中

羸老兼疾病

衣食不充備

三千大千土

釋迦文佛尊

次有大弟子

名摩訶迦葉

哀矜從母乞

說法我心歡

貢其臭米汁

施少獲願多

一心供福地

願欲生天上

棄身糞窟中

來生忉利天

尔時天女即自念言此之福報緣其前世供

養迦葉所致假令當以天上珍寶種種百千

施上迦葉猶尚未報須臾之恩即將侍女持

天香華忽然來下於虛空中散迦葉上然後

來下五體投地禮畢却住叉手歎曰

大千國土佛為特尊次有迦葉能閉罪門

昔在閻浮真窟之前為其貧母開說真言

時母歡喜貢上米糲施如芥子獲報如山
自致天女封受自然是故來下歸命福田
天女說已即與侍從俱還天上然後帝釋心
念此女於閻浮提臭惡之中以其米汁供養
迦葉乃致此福迦葉大哀但福劣家不及大
姓當作良策於閻浮提詣迦葉所興設福祐
釋提桓因即與天后持百味食盛小瓶中下
詣王舍大城巷邊作小陋屋變其形狀似于
老人身體消瘦偻行而步公妻二人而共織
席自現貧窮乞人之狀不儲飲食穀帛之具
摩訶迦葉後行分衛見此貧人而往乞食公
言至貧無有如何迦葉呪願良久不去公言

我等夫妻甚老織席不暇向乞少飯適欲食
之聞仁慈德但從貧乞欲以福之今雖窮困
意自割損以施賢者審如所云令吾得福天
食之香非世所聞若豫開瓶苾芬之香迦葉
覺之全不肯取即言道人弊食不多鉢來取
之迦葉鉢取受呪願施家其香普熏王舍大
城及其國界迦葉即嫌其香無量即便三昧
思惟其本方坐三昧公及母還復釋身迅疾
飛去空中彈指歡喜無量迦葉思惟即知帝
釋化作老公而爲此變欲增福祚吾今已受
不宜復還迦葉讚言善哉帝釋種福無厭忍
此醜類來下植福必獲影報帝釋及后倍復

欣踊是時天上伎樂來迎帝釋到宮倍益歡
喜佛告阿難此貧母人一切世間無能及者
惠雖微少福報甚多以其苦厄與至心故致
無量福福應之報釋提桓因天上自恣而捨
豪尊來下植福獲報難量是以如來說檀第
一閻浮提人愚癡可矜其如此比有少少耳
汝當廣宣如來真言佛說是時天龍鬼神四
輩弟子比丘僧興設大福而止達嚫願及衆
生隨其志願皆得果報佛說經已一切衆會
莫不欣樂稽首作禮

佛說摩訶迦葉度貧母經

竟

除 鑿 分 銖 殊 祚 故 惶 匍

匍 上音蒲 下音蒲 反 昨音鑿 反 昨音鑿 反 上音殊 反 才故 反 音黃 反 音匍

米 漕 下音 反 榮 反 楚音 反 儲 除音 反 暇 夏音 反 迅 疾 反 上音 反 私音 反 達

嘍 下音 反 昌音 反 婦人 遇 辜 經 目 離 秦 院 下音 反 居音 反 慄

辜 孤音 反 孩 戶音 反 軀 丘音 反 俱音 反 牧 目音 反 離 秦 院 下音 反 居音 反 慄

唾 湔 上音 反 土音 反 兀 烏音 反 光音 反 劇 奇音 反 逆音 反 裸 形 上音 反 胡音 反 媯 奴音 反 鳥音 反 又

良音 反 吉音 反 蹟 知音 反 利音 反 必音 反 重音 反 劇 奇音 反 逆音 反 裸 形 上音 反 胡音 反 媯 奴音 反 鳥音 反 又

四天王經 漱 瘦音 反 肅 靖 上音 反 宿音 反 恍 惚 上音 反 兄音 反 往音 反 攘 禍 上音 反 羊音 反 而

又作 厭 禱 反 一音 反 檢音 反 操 七音 反 到音 反 弈 亦音 反 苾 芬 上音 反 頻音 反 必音 反 反

焯 于音 反 鬼音 反 囹 圉 上音 反 靈音 反 下音 反 語音 反

焯 于音 反 鬼音 反 囹 圉 上音 反 靈音 反 下音 反 語音 反

焯 于音 反 鬼音 反 囹 圉 上音 反 靈音 反 下音 反 語音 反

